

# Служба собору Нижегородских святых

(В первое воскресенье после 8 сентября н.ст.)

На Велицей вечерни на Господи воззвах: поставим стихов 10, и поем стихиры воскресны 3, Анатолиеву 1 и святым 6:

## Стихиры святым земли Нижегородския, глас 1:

Днесь Нижегородская земля возславити спешит/ епископы и святители своя,/ апостольским бо даром землю русскую осиявшия:/ Александра смиренномудраго и Боголюбэзнаго Георгия,/ святую княжескую двоицу;/ преподобныя отцы и жены,/ кровию Христа прославльшия мученики,// блаженныя и праведныя богоугодники.

Еже сокры Господь от мудрых,/ дав обрести в простоте Истину вечную ищущим:/ чистоту бо сердца сохраниша о Христе Иисусе, блаженнии,/ светом божественнаго преподобия украсившися добре,/ ныне Серафимовы сотрапезницы молят с ним Бога,// и нам милости Христове не оскудети.

Свётове дивнии, кровию запечатлевшии веру свою,/ не на человеки уповаша,/ но вольне земнаго всего лишившися,/ живота своего не убоястися погубити врагом:// тако во Христове живота вечнаго обетовании ныне пребываете.

## Глас 3:

Память почтим благовернаго князя Георгия,/ иже основа крепость при устии реки Оки,/ врагов нашествия ею избавляя:/ темже и Архангельский храм создав,// защитник наша земли обретается.

Александра добраго, Феодоровския обители не забудим похвалы,/ иже на видимыя враги сотвори победы,/ воинства нашего и властей покровитель божественный,// ныне бо молит Христа о стране своей и церкви нашей.

Всея Русстей земли, богоноснии, пробавися проповедь ваша,/ не своя бо рцыте людем, но от Духа Божественнаго,/ апостолом преемницы:/ темже, святителю Алексие, всероссийское удобрение,/ со единомыслием твоими буди граду нашему// якоже и прежде, основание.

## **Слава, глас 4:**

Вседержавныя Троицы служителие,/ велия тайны спасения причастницы:/ вси святии, явлѣнии убо и не явлѣнии:/ Бога нашего молите,/ земли Нижегородстей во Христе утвердятся,/ да достойно убо понесше бремя, // во благих упокоения достигнем.

И ныне, догматик гласа недели.

Вход. Свете тихий. Прокимен. И чтения 3 преподобнических.

### **Премудрости Соломони чтение.**

Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их бессмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

### **Премудрости Соломони чтение.**

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумныя. Пойдут праволучныя стрелы молниины, и яко от благокругла лука облаков, на намерение полетят. И от каменометныя ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навыйкните судии концов земли. Внушите держащии множества, и гордящиися о народах язык. Яко дана есть от Господа держава вам, и сила от Вышняго.

## **Премудрости Соломони чтение.**

Праведник, аще постигнет скончаться, в покои будет. Старость бо честна, не многолетна, ниже в числе лет исчитается. Седина же есть мудрость человеком, и возраст старости — житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга, угодна бо бе Господу душа его, сего ради потщася от среды лукавствия. Людие же видевшие и не разумевшие, ниже положше в помышлении таковое, яко благодать и милость в преподобных Его и посещение во избранных Его.

### **На литии стихиры, глас 5:**

Благозвучными песньми ублажим святѣя,/ пути прескѣрбными ходѣвшаи,/ труды вѣлия христіанскому основанию на земли Нижегородстей полѣжшиа:/ епископы, пресвитеры, монаси:/ благочестіе утвердѣвшаи,// да их же поюще милости небесныя сподобимся.

Макарие, Варнаво, Серафиме,/ со всеми пустыннолюбцы блаженными,// молитвою, якоже и прежде, нам дивно помогайте.

### **На литии молитва с указанием всех святых, в земли Нижегородстей просиявших:**

Владыко Многомилостиве, Господи Иисусе Христе Боже наш, молитвами Всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго славнаго пророка, Предтечи и Крестителя Иоанна, святых славных и всехвальных апостол, святых славных и добропобедных мучеников: святых великомучеников Георгия Победоносца, Целителя Пантелеимона, святых великомучениц Варвары, Анастасии и Екатерины: преподобных и Богоносных отец наших, иже во святых отец наших и вселенских великих учителей и святителей: Василия Великаго, Григория Богослова и Иоанна Златоустаго, иже во святых отца нашего Николаа, архиепископа Мир Ликийских, чудотворца; святых равноапостольных Мефодия и Кирилла, учителей словенских; святых равноапостольных великаго князя Владимира и великия княгини Ольги; иже во святых отец наших,

святителя Михаила, первого митрополита Киевского; первосвятителей Московских и всея Руси: Петра, Алексия, Ионы, Макария, Филиппа, Иова, Ермогена и Тихона; митрополитов Московских Филарета, Иннокентия и Макария; иже во святых отец наших:

Святителей Христовых:

Алексия, митрополита Киевского, Московского, всея России чудотворца,

Симеона, митрополита Смоленского,

Илариона, митрополита Суздальского,

Дионисия, архиепископа Суздальского,

Гавриила, архиепископа Рязанского,

Симона Печерского, епископа Суздальского,

Серафима (Чичагова), митрополита Петербургского,

Святых великих благоверных князей Владимирских:

Александра Невского, (егоже есть храм) и

Георгия, основателя Нижнего Новгорода,

Святых славных и добропобедных мучеников, новомучеников Нижегородских:

**Святых священномучеников:**

Евгения, митрополита Горьковского,

Петра, архиепископа Воронежского,

Макария, епископа Орловского,

Лаврентия, епископа Балахнинского,

Протоиерея Алексия,

Протоиерея Михаила,

Иерея Михаила,

Иерея Стефана,

Иерея Иоанна,

Иерея Николаа,

Иерея Александра,

Иерея Николаа,

Иерея Петра,

Иерея Александра,

Иерея Андрея,

Иерея Валента,

Иерея Иоанна,

Иерея Иоанна,

Иерея Иоанна,  
Иерея Петра,  
Иерея Александра,  
Иерея Александра,  
Иерея Александра,  
Иерея Алексиа,  
Иерея Михаила,  
Иерея Николаа,  
Иерея Павла,  
Иерея Павлина,  
Иерея Порфирия,  
Иерея Евгения,  
Иерея Василия,  
Иерея Иакова,  
Диакона Иоанна,  
Диакона Вениамина,

**Святых мучеников:**

Иакова,  
Василиа,  
Стефана,  
Александра,  
Алексиа,  
Николаа,

**Преподобных и богоносных отец наших:**

Евфимия Суждальского,  
Макария Желтоводского, Унженского,  
Варнавы Ветлужского,  
Иоасафа Печерского, Нижегородского,  
Серафима Саровского и  
Варнавы Гефсиманского:

**Преподобномучениц:**

Анны, Марфы и Пелагии:

**Преподобных жен:**

Феодоры Нижегородския,  
Александры, Марфы и Елены Дивеевских,  
(Олимпиады):

**Преподобноисповедницы Матроны:**

**Мучениц:**

Евдокии, Дарии, Дарии и Марии Пузовских (Суворовских),  
Елисаветы (Самосская), Елисаветы (Сидорова) и Анисии:  
Праведнаго иерея Алексия Бортсурманскаго:

**И блаженных жен:**

Пелагии и Марии:

И всех прочих святых, в земли Нижегородстей просиявших, иже во святительстве, княжéнии, преподобии, благочестии и праведности на земли сей подвизавшихся или кровь свою веры ради проливших: всех сих же и память всесоборне ныне совершаем: святых праведных Богоотец Иоакима и Анны, и всех святых Твоих: благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата: умири нашу жизнь, Господи; помилуй нас и мир Твой, и спаси души наша, яко благ и Человеколюбец.

**На стиховне стихиры воскресные гласа недели****Слава, святых, глас 2:**

Единосущней Троице поклонímся,/ со всеми святыми, в земли Нижегородстей просиявшими,/ яко извóлившу Богу о спасении нас грешных,// молитвами блаженных сродников наших.

**И ныне, Богородичен, глас той же:**

О чудесé нóваго всех дрéвних чудес! Кто бо познá мáтерь без мýжа рóждшую,/ и на рукú носящую, всю тварь Содержáщаго? Бóжие есть изволéние Рóждшееся./ Егóже, яко Младénца, Пречíстая,/ Твоýма рукама носíвшая,/ и Мáтернее дерзновéние к Немú имúщая,/ не престáй молящи о чтúщих Тя,// ущéдрити и спасти́ дýши нáша.

Ныне отпускаеши. Трисвятое по Отче наш. Богородице Дево (дважды) и тропарь святых

**Тропарь Собора Нижегородских святых, глас 3:**

Церкве Христовы светильницы,/ всея России украшение,/ святии вси, в земли Нижегородстей просиявшии,/ Владыку всех молите/ мир вселенней даровати// и душам нашим велию милость.

## **Ин тропарь, глас 4:**

**Нижегородския земли днесь приспé святое торжество,/ те бо  
всесветло просия Богови:/ се с божественным Серафимом/  
сликовствует сонм ея дивных святых,/ иже во святительстве,  
княжении, преподобии,/ мученичестве, исповедничестве и  
благочестии,/ составляше победу Христову/ и яко во блаженстве  
небесную приемше благодать,/ молят ныне Христа Бога /  
дароватися спасению // многогрешным душам нашим.**

## **На утрени**

На Бог Господь: тропарь воскресен недели гласа дважды

Слава: Тропарь святых.

И ныне: Богородичен воскресный по гласу тропаря святых

## **По полиелее величание:**

**Величаем вас,/ вси святии, в земли Нижегородстей просиявшии,/ и  
чтим святую память вашу:/ вы бо молитесь о нас// Христа, Бога  
нашего.**

## **Ино величание:**

**Ублажаем вас,/ чудотворцы наши славнии,/ землю  
Нижегородскую добродетельми вашими озарившии/ и образ  
спасения нам// светоявлённо показавшии.**

## **Ипакон гласа и седальны святых, глас 4:**

Телесныма очима невидимыя чертоги вожделевше, духовными бо  
ясно зрите обетованное блаженство, угодницы Христовы. Единому бо  
Господеву веру имёсте крёпку, ёюже и оправдýстесь, да отечества  
небеснаго Божественную благодать ниспосылáти отечеству вашему  
земному.

## **Ин седален, глас 8:**

Чим убо ублажим вас, сродницы наши славнии, уневёстившиися  
Христу; тому бо Единому порабóташа, и того Единого яко Господа  
исповéдаша: тем вас любовию почитаем.

Слава, святых, полиелейный седален, глас 8:

От Нижегородстей земли духоно́сная украшения, Богоси́янные лучи Христова милосердия, благосло́вённый сродницы, милости Отца Небеснаго по трудо́х и тягота́х вкусивший. Ныне и нам милости сея испросите у милости Источника, Христа Спаса всех поющих ваше дивное о нас к Богу предстательство.

И ныне, Богородичен, глас 8:

О, Препоблагословенная Владычице Богородице, отверзи нам паче чаемых милосердия Твоего бездны, и к зрению грехов наших направи нас, да и в Нижегородстем уделе земли Русския приносится Богу жертва спасительная покаянная.

Степенна гласа. Прокимен и Евангелие воскресны.

**Канон святым, глас 8:**

**Песнь 1**

**(Преподобным)**

Ирмос: Израиля от работы избавил еси, Господи,/ десницею Твоею державною,/ яко О́наго спасл еси,// ныне нас спаси.

**Преподобне отче наш Серафиме, моли Бога о нас.**

Звездó всесветлая земли Нижегородстей, всероссийская похвалó, образ ангельский приял еси, в пустыню мира вселивыйся, кроткий Серафиме, и тако славы Божия испо́льнъ, паче всех славных прославился еси.

**Преподобне отче наш Макарие, моли Бога о нас.**

От юности твоя, отче, врага посрамил еси, не прельстився мира собла́знов, родители бо твоя оставил еси и в Печёрстей обители в по́двизех и молитвах, преподобне Макарие, начало спасению твоему положил еси.

**Преподобне отче наш Евфимие, моли Бога о нас.**

Йноче неустанный обители Печерския явился еси, Евфимие, труды твоими и смирением Бо́гови угодил еси, храмов и монастырей строением



удобри́л еси землю Русскую, Сѣргиа великаго подражая, с ним же мо́лиши днесь о тя прославляющих.

**Преподобне отче наш Варнаво, моли Бога о нас.**

Из Устѹга великаго пришел еси, свящѣнне Варна́во: при рецѣ же Ветлѹзе пустыню обрет, молитвою место сие украси́л еси, еже днесь всеславно лю́дие тя славят.

**Преподобне отче наш Иоасафе, моли Бога о нас.**

Печѣрскаго монастыря кроткий подвижниче, блаженне Иоаса́фе, во зна́мени Божии прославился еси, в разруше́нии бо рукотворных стен явил еси ограждение несокрушимое всем о Бозе, к тебе приходящим.

**Преподобне отче наш Варнаво, моли Бога о нас.**

Из источника неиссякаемаго черпа́я живую воду Слова Божия, напоил еси, Варнаво духоно́се, жаждущия утешения, к тебе притекающия. Наставника же твоего исполняя благословение, утвердил еси православие тверды́нею иночества.

Слава: Свята́го собора днесь почтим память, созывающе святых Божия на молитву о любящих я: смирением бо славу стяжаша у Господа Владыки всех, веру Его на земли соблю́дше и церковь утвердивше.

И ныне: Умилися, Богородице, Мати слова Божия, о скѣрбех наших: аще убо и праведнии припа́дающе пред Тобою, в покаянии слезя́ху, обаче и нам испроси у Сына Твоего помиловати нас, прославляющим собор святых Его угодников.

### **Песнь 3**

**(Благоверным князем, священномучеником епископом)**

Ирмос: Сочини́ мя, Господи,/ сильным людей Твоих,/ опоясу́я силою,/ и луки ратников сокруши,// и нищеты моя рог возвы́си.

**Святой благоверный великий княже Александре, моли Бога о нас.**

Воин изряднейший явился еси, Александре, княже́ния образе. О, державнаго смиренномудрия красото́, образ монашеский в земли Нижегородстей прие́мь, Богу вдал еси душу твою, за Русь святую молитвенницу.

**Святой благоверный великий княже Георгие, моли Бога о нас.**

Основá на горé при úстии Окí Архистратига Божия храм, дóблій княже Георгие, Нижнего Новгорода положил еси начало, крепость быти земли Русстей. Темже, в сонме Христовом ныне, яко святы́й мученик, пребываеши.

**Священномучениче Евгение, моли Бога о нас.**

Тóчию Бога боя́ся, не устрашился еси, святителю Евгение, могущих тело убить, душу же твою соблюл еси Бóгови чéстну: показал еси безбожным исповедания твоего силу, не приклонив главы твоея пред тяготóю заключения, проли́яв кровь твою честную.

**Священномучениче Петре, моли Бога о нас.**

Пётре всехвальне, Воронежу украшение и граду нашему святое утверждение, благоговейно олтарю Господню послужил еси и люди Божия от искушения вра́жияго упасл еси, богоблаженне пастырю. Темже ты молим, свя́те, непрестанно молитися за ны.

**Священномучениче Лаврентие, моли Бога о нас.**

При́ял еси архиерейства жезл в стране, в безбожии утопающей, преосвященне Лаврентие, явился бо еси глас правды Божией в граде нашем, бегству духовному не преда́вся: се же и ныне дерзай ко Христу о нас в молитвах.

**Священномучениче Макарие, моли Бога о нас.**

Мúченичество твое, святителю Макарие, бысть свя́то пред Богом: гнева бо Господня видел еси посещение, оскудения ради веры православныя: се же в вере крепок, благословлял еси состреля́емые с тобой, убийцу же обличал еси божественнаго страха посещением.

Слава: Совета превечнаго свидéтелие, божéственнии угодницы Нижегородстии, житие бо ваше, святии, прóмысла великаго есть исполнéние, ибо кийждо крест свой взявше, сораспýлися еси Христу, да с ним во веки пребу́дете.

И ныне: Явилася еси, Богородице, боголюбивым лю́дем милостивая Мати: Помози и нам, Благая, крестоношения нашего поприще преи́ти.

По ектении, кондак, икос и седальны святым

### **Кондак Собора Нижегородских святых, глас 3**

**Днесь собор Нижегородских святых предстоит в Церкви/ и невидимо за ны молится Богу./ Ангели со архиереи славословят,/ апостоли же с мученики ликовствуют,/ святии вси Церкви Христовы радуются/ и паства Нижегородская веселится:// вси бо купно молят Превечнаго Бога.**

#### **Ин кондак, глас 6:**

**Нижнего Новгорода основателю, княже Георгие,/ богославне Александре, российская похвало,/ Дивеевских дев чудотворцы,/ во святительстве и преподобии просиявший стóлпи,/ новомученицы и исповедницы,/ преподобнии и праведнии,/ в Нижегородстей земли просиявший,/ со всеми святыми спасение нам испросите// у Бога нашего Христа Иисуса.**

#### **Икос:**

**Дому Божия насельницы святии, ваша же написашася в Книгах Жизни имена, радуйтеся: кротости вашей Ангели и человецы удивишася, ни о чем земнем попечестеся в житии, но точию же о Царствии Небеснем: темже и ныне от земли Нижегородстей сущии, похвалу и награду небесную почитающим вас принóсите, угодницы, в молитвах присно у престола Божия прошения наша сказующе.**

#### **Седален, глас 4:**

**Яко невниманием Божией истине суесловная умолкóша уста, вы же, святíи, земли Нижегородстей божественныя свещí, всем, призывающим имя Христово, путь указу́ете, иже к достойной по крестоношéнию славе.**

**Слава, и ныне: Покрова Твоего, недостойнии, сподобля́емся убо, от врага лукаваго укрь́тися, иже в вере Тя призывающе, яко Бога Родительницу: милости пучину умилоствляеши, Марие, несказанным милосердием Твоим о иже в Бозе ныне суще святыя прославляющих.**

### **Песнь 4**

#### **(Святителем)**

**Ирмос: Всел еси на кони, апостолы Твоя, Господи,/ и приял еси рукама Тво́йма узды́ их,/ и спасение бысть еждéние Твое/ верно поющим:// слава силе Твоей, Господи.**

**Святителю отче наш Алексие, моли Бога о нас.**

Церкви всероссийския созидателю, пределы княжеств русских омофором твоим освятил еси, Алексие божественне: наипаче же и о державнем устроении святыя Руси пекся еси, такожде и в земли Нижегородстей утвердил еси православнаго единодержавия силу.

**Святителю отче наш Симеоне, моли Бога о нас.**

Из Сибири пришёд, зёмли Ростовския и Нижегородския монашескою украсил еси молитвою, Симеоне отче преподобне: Господь же достойна ты зря пастыря, в краёх западных постави ты архиереа, да ёреси тамо и расколы искорениши, православия насадителю: темже и днесь боголюбезный заступник о нас пред Гóсподем бۇди.

**Святителю отче наш Иларионе, моли Бога о нас.**

Многоискۇснаго пути шёствователю, постом, труды и слезами многими, был еси, Иларионе, богоизбранное Флоріщевы пۇстыни прозябёние: отонۇдуже и поставлен был еси во святителя Сۇждальскаго, тесноту твоего служения Господь украсил еси небесными предстательствы.

**Святителю отче наш Дионисие, моли Бога о нас.**

Мужа кроткаго и постника славнаго ублажити притецём, Дионисия, Печёрския обители достойнаго насёльника, иже и к Евфимию с Макарием преподобный явися руковóждь: по сем и во святительство Московским Алексием возведён, того приёмник в Царьграде наречёся: но, кроткий отче, в заточении принесл еси, блаженне Дионисие, молитвы своя Богу.

**Святителю отче наш Гаврииле, моли Бога о нас.**

От истощения телеснаго в богатство привел еси сердце твое, святителю Гаврииле, от него же паству питал еси неистощимою любовию, обращая ко истинней вере: потщися ныне паки, в силе Божии, милостию твоею святою нас одарити.

**Святителю отче наш Сімоне, моли Бога о нас.**

Великому князю Георгию сорадетелю, Сімоне, духом твоим святительским молитву утвердил еси православную на земли нашей: во

Владимирских пределах апостольствуя: в пещерах же мощами ныне пребывай Киевских, не забуди предстательством твоим посещати ны.

Слава: Всеславныя Нижегородскаго отечествия светосиянныя зарі: церковному не оставите поколебаться основанию и паству соблюдоште в православии, ныне нам молитесь, по вашим стопам последующе, во славу Божию поработати житием.

И ныне: Аще образи Твои, Богородице, знамения деют, лютаго устрашающе врага, како убо не припадем ко Твоему милостивому предстательству и святыни: прежде всех веков предызбранá была еси телесная врата Его к человеку схождению.

## **Песнь 5**

### **(Священномучеником пресвитером, мучеником)**

Ирмос: Твоим светом озари мой ум, Боже,/ молюся Тебе,/ да мноую Твою воспою/ от нощи утреневав благостыню.

**Священномученицы земли Нижегородстей, молитесь Бога о нас.**

Иереи божественнии, ваше бо прохождаете служение в духовней пустыне, достойне претерпевша муки, в радости приемлюще апостольскаго мученичества мзду.

**Священномученицы земли Нижегородстей, молитесь Бога о нас.**

Епископом благоверным яко Христу последующе священницы, возрадовастесь, яко могуще первомучеников подвигом посрамить лукаваго немощ даже до крове, исповедания венцы небеснаго блаженства получите.

**Священномученицы земли Нижегородстей, молитесь Бога о нас.**

Ни в великомудрии бо, ниже в земней славе, но в премудрой простоте Божией послужите, блаженнии: аще и скорбяще духом и день последний предвидяху, кровию вашею, святии, отмысте прежних и будущих множество грехов.

**Святии мученицы земли Нижегородстей, молитесь Бога о нас.**

Окрест вас сущую пустыню веры напоите делами вашими, мученицы, не житейская предпочтили есте: безводную же слезми

смертными и кровию омочисте, с лики мучеников на новей Голгофе Христу спострадаша.

**Святии мученицы земли Нижегородстей, молитесь Бога о нас.**

Оклеветаемы быхом, святии мученицы, инии бо за свидетельство Божия истины, прочии не оставльше возлюбленного пастыря: вы вси великомучеником доблии подóбницы, умúчими, потóплени, устреляеми, повéшени, но не устрашішася мучений, святии, вечныя славы сподобистесь.

**Святии мученицы земли Нижегородстей, молитесь Бога о нас.**

Безверия ране явистесь пластырь, крове ваша пролїтием, блажénнии: сего ради днесь Нижегородскому краю бысть молитвенницы пред престолом Божиим, якоже бо несть жертвы о Господе, иже всеу.

Слава: Славу Бóгови поют ныне святые сродницы, иже от Христа не отвратившеся есте, ниже бо страха ради, ниже лукаваго искушений, но хотящих присно небеснаго достигнути отечества.

И ныне: Всякому еси милостивая на небеси Заступница, Марие Богомати: видим бо во óбразех святых Младенца Сына Твоего, Тебе же Матерь имуща в человецех. Како же не послушает Тя, умоляюще о спасении рабов Твоих, верно Тя Богородицу исповедующих.

## **Песнь 6**

**(Преподобней Феодоре, собору Дивеевскому)**

Ирмос: Бездна грехов и прегрешений буря мя смущает,/ и во глубину нúднаго рéет мя отчаяния,/ но Твою крепкую руку ми простри, яко Петróви,// о, Упрáвителю, и спаси.

**Преподобная мати наша Феодóро, моли Бога о нас.**

Княжескаго кóрене прозябéние, Нижегородскому князю венчалася еси, чадорождения же радости не познавши, по кончине мужа украси́лася еси преподобием, Феодоро достославная, в нем бо достигши велия ревности, ко Христу привела еси многия жены́.

**Преподобная мати наша Александро, моли Бога о нас.**

Богородичныя воли земное, Александро, исполнéние, Христа родительнице новый на земли удел уготовала еси, преподобная, тебе бо,

яко добру семени, аще и в пустыне всяена, взошла бо еси в плодородное Дивеевское святоцветёние.

**Преподобная мати наша Марфо, моли Бога о нас.**

Госпоже и мати наша Марфо, се божественный к тебе взывати нам повелевает Саровский Серафим, блаженная, яко Царю, вслед девы в ризах позлащённых в веселии и радовании привелася еси, де́во: помяни нас у престола Божия во Царствии Небеснем.

**Преподобная мати наша Елено, моли Бога о нас.**

Мірови бысть юро́дива еси, Бо́гови же монашескою украси́лася еси, Елено, ле́потою, в безмолвии и труде яже от юности страсти побежда́ющи: сего ради Христова венца сподобилася еси, всеблагая.

**Преподобная мати наша Марфо, моли Бога о нас.**

Яко су́ща Богоро́дичнаго жен святых чина, потупила еси изостре́нное на святыню твою о Христе, жало древнее, Марфо мученице, страдании твоими и верою в невольном заключении не угасила еси.

**Преподобная мати наша Пелагие, моли Бога о нас.**

Радуйся, Пелагіе, Ма́рфова сопреподобному́ченице, последние бо видела еси Дивеевскаго цветёния дни, но, яко страданий ради новомученических, во удобрение новое преложи тя Господь: се и молитвенницу ты с сестрою у престола Своего возста́ви.

Слава: Пети Бога восхотёсте, жены́ благія, цвёти веры, украшения церковная: ни труд, ни тяготы́, ни болезни, ни мучения, ничто возможе разлучити вас любви Божия, Дивеевския похвалы́, молитвенницы и о нашем о Христе спасении.

И ныне: Утолительнице нам еси благая печалей, страждущих непрестанно слышиши вопль к Тебе, Марие Богородице, возносимый: многое Твое известно к покланяющимся Тебе божественное заступление.

**По ектении кондак и икос воскресны**

## Песнь 7

### **(Преподобномученице Анне, Суворовским женам, мученицам)**

Ирмос: Вѣдев мучитель четвёртаго зрак,/ глаголаше сущим с ним:/ три ввергохом в пламень,/ ныне же четы́ре вѣжду,/ еді́наго зрак ужасает мой ум,/ удивляет мое помышление,// триех лик поет Тя во веки.

### **Преподобномученице мати наша Анно, моли Бога о нас.**

А́ки ре́чным устремлѣнием протѣвѣящи, инокине Анно, оскудети не дала еси вере твоей, паче же возлюбила еси Живодавца воскресение, не убоявшия же хотящих тело убить, со иными устрѣляными душу твою о Бозе сохранила еси.

### **Святыя мученицы Евдокие, Дарие, Дарие, Марие, молитесь Бога о нас.**

Евдокие, блаженная мати, за телесным бо юродством скрыва́ша духовное величие, яко да в немощи твоей сила Божия явится, молитвеннице прилежная: со иными бо тремя девами в земли нашей юродиво поживши, светильник в тебе Божия благодати елеем веры твоя питавшеся.

### **Святыя мученицы Евдокие, Дарие, Дарие, Марие, молитесь Бога о нас.**

Тихия молитвенницы Христовы прииде убить, злыя люди, имение скудное разорить, да вси вѣдевшии вере их поругаются: но гробница тех явѣся всем во очию их врата райская, яко да и ныне нам припадающим ко святым мощѣм блаженных Евдокии, Дарии, Дарии и Марии, побеждается злобы на нас действие.

### **Святая мученице Елисавето, моли Бога о нас.**

Со инѣми убиѣнными многими пострадала, Елисавето, но едина от них вины своея не признала еси, богоблаженная, за еже веры исполнено сердце твое, церковныя не отрицающися жизни.

### **Святая мученице Елисавето, моли Бога о нас.**

Священнослужителей сонму сопричѣслилася еси, Елисавето богоблаженная, сих бо вера врага устраши, яко смертоно́сною ве́си



Лы́сковскія покрѣти волно́ю, но в муках лю́тых со священники и диаконы блаженное безсмертіе унаследовала еси.

**Святая мученице Анисие, моли Бога о нас.**

В нищете духа, яко слабая, явила еси крепость паче мужеския, Анисие дѡбляя, не устраши́шася свирѣ́пства вра́жия, не рекла́ бо еси глагола ло́жнаго на ближняя твоя, но в вере нелицемерней пребы́вши, украси́лася еси венцем мученичества, красото́ нижегородская, храму Предте́чева Рождества́ похвало́.

Слава: Апостольскія твѣрдости ревни́тельницы, срѡдницы наша и матери, великомученицы и Христовы учени́цы, девы мудрыя, яже на брак Жениха Небеснаго с неугасшими явистеся светильники, у Негоже во блаженстве вечнем присно мо́лите, неоску́днаго елеа милости всем почитающим вас дарова́ти.

И ныне: В радость притворила еси, Богомати, скорбь достоблаженных жен, в светосиянный я собравши сонм предѡблѣх мучениц, яко Царю Славы вслед Себе да приведеша я.

## **Песнь 8**

**(Праведному Алексию Бортсурманскому, блаженным женам,  
преподобноисповеднице Матроне)**

Ирмос: Отрица́ющесея златослужѣ́ния ѡтроцы/ царя небрегѡ́ша,/ яви́ бо я огонь преложе́нный рабы́ Божія вопиющія:// благословите вся дела Господня Господа.

**Преподобне отче наш Алексие, моли Бога о нас.**

Втора́го возсла́вим Серафима, аки свеща́, пламене́ющаго пред престолом славы Божія, на него же дерзостне уповаем, ибо тому самому́ ре́кшу: яко иже мене кто воспомина́ет, того и аз не забуду: сего бо ради молимся святому: свя́те, молися с преподобным Серафимом и со всеми Нижегородскими святыми, не умалѣ́тиса спасения нашего упованию.

**Блаженная мати наша Пелагие, моли Бога о нас.**

Юро́дивыми по́двиги тело свое истязу́ючи, человекопрѣ́ятнаго бытія лишѣ́лася еси, блаженная Пелагіе, отню́дуже и показáлася еси паче мудре́йших, Бо́жие стяжавши простозрѣ́ние.

**Блаженная мати наша Параскево, моли Бога о нас.**

Блажѣнныя Пелагіи святое наследіе, Параскево богоносная, болезни претерпѣвши от человек изрядныя, Маріе Египетския уподобльшися, в леснѣй пустыне многолѣтне спасалася еси, еже наследовати Царствие Небесное.

**Блаженная мати наша Маріе, моли Бога о нас.**

Яко миро в жертву разум мнимый принесла еси, Маріе, разума горняго причащающися: телеснаго бо здравия небрегше, убожеством внешним обрела еси Небесныя красоты велелѣпіе.

**Преподобноисповеднице Матроно, моли Бога о нас.**

Суворовских мучениц едиnorodная исповеднице Матроно, Дивеевская похвало, безбожное претерпела еси лихолѣтіе, от злых гонимая отсюду и сюду, но никтоже от церкви тя отъяти возможе: всюду ти убо смирением и верою беды одолѣвши: слава Господу, укрѣплъшему тя.

**Неявленнии святіи земли Нижегородстей, молитѣ Бога о нас.**

Неявлѣнных святых почитаем, Господи, Ты бо преславных земных явил еси сродник наших, и о нас их предстательство дерзновенное: колѣкое домыслим множество, Христе Боже, святых, иже мученичеством и добродѣтелию всесвѣтле украсишася.

Благословим: От Нижнего Новгорода возславим горняго Иерусалима славу: тамо бо Царя Бога яве вси святіи воспевают, со ангелы и праведными, молитвы о нас Господеві возсылающе: отечеству бо малому творяще похвалу, нас спривають к вышнему отечеству имѣти устремление.

И ныне: Како Дщи человека Мати Божія являешися; како слабости девічи крепость паче мыслимыя имаши: о, Владычице Всесвятая, Божества неопиcуемое явление, Небесѣ Царице и нерушимая Стенѣ, пребуди, молим Ти ся, нам премилостивая Молитвенница к Сыну Твоему, Спасителю нашему.

## Песнь 9

### (Всем Нижегородским святым)

Ирмос: Благословен Господь, Бог Израилев,/ воздвигнувший рог спасения нам/ в дому Давидове, отрока Своего,/ в нихже посети нас восток с высоты,// и направил ны есть на путь мира.

**Вси святии земли Нижегородстей, молитесь Бога о нас.**

Мира или скорби имуща источник, святии, идеже изобильно почерпаете благодати струи, яко о Христе Иисусе восхотѣ ваше о Бозе упование, благословѣнии. Темже убо кто от болезни, кто от истины грядет святую Троицу возславити блаженными славословлѣньми.

**Вси святии земли Нижегородстей, молитесь Бога о нас.**

Небесныя церкви жителіе, всеславне у Христа Бога предстояще: не точию бо мѣстне славнии, но славою божественною, о нас моляще Всесвятую Троицу.

**Вси святии земли Нижегородстей, молитесь Бога о нас.**

Землѣ святителей и преподобных, мученик и праведных, блаженных и убогих, радуйся: не остави бо тя Христос, Спаситель мира! Се грешных сонм прославити грядет святых божественныхъ лики, нас благодатию свыше посещающе.

**Вси святии земли Нижегородстей, молитесь Бога о нас.**

Возопіим, глаголет град наш, о сонме пастырей и всех святых: ов убо праведне пожив, ов же за Христа до крове пострадав: вси в славе Божіи блаженне ныне пребывают: сих ради мы стецѣмся славу им вознести.

**Вси святии земли Нижегородстей, молитесь Бога о нас.**

Оплот святой во время оно созда враг, свои на Божиих людехъ воздвигнув челюсти: единою бо побежден Христовымъ воскресением, аще в не верующими присно побеждается.

## **Вси святїи земли Нижегородстей, молитє Бога о нас.**

Нижнего Новгорода днєсь поим Христово посещение: ибѡ возрастїи благословенный предивный виноградник, лукавых делателей посрамїи Господь хотєния: в божєственном раї угодник души успокояющи.

Слава: Бѡжїя днєсь причащающеся славы, святїи вси, различне Богу угоди́вшии, и Нижегородстей славне в Бозе послужївшии землїи, о нас, молящихся вам, Господа молїте, по милости Его просла́виться в Царствии Небеснем.

И ныне: Пла́чущих ко Твоей милости, Богомати, не отступїи посетїти, Ходатаицу бо Тя воистину вѣмы неустáнную, яко человеколю́бнаго вочеловѣчшася Творца и Бога еси Родїтельница и всѣкїя слезы́ божєственное Утолєние.

## **Ексапостиларий воскресный прилучившагося гласа**

Слава, светилен святым

Святїи вси земли Нижегородстей, защїтницы наши божественнии в сем вѣце, небѣсныя предстáтелие, молитє Спаса нашего Владыку Вседержителя, Творца и Бога, прощение грехов нам даровати и в вечности Христови чадами быти.

И ныне, Богородичен воскресного ексапостилария

## **На хвалитєх поставим стихов 8, и поем стихиры воскресны 4 и святым 4:**

Стихиры святым земли Нижегородстей, глас 4:

О, предивный сонме святых земли Нижегородстей,/ святитєлие, князїе, мученицы, преподобнии и прáведнии,/ взывайте непрестанно ко Христу Царю,/ о еже нам зде пребывати в вере крепцей и нелицемерней,/ ёюже нетв́рнаго света истины причастницы явимся,// предстательством вашим от грехов избавльшєся множества.

Се ныне взываем ко святым земли Нижегородстей,/ незаходимою зарєю Христом осїя́нным,// яко от Того помогати нам благодать имущим.

Ины стихиры святым, глас 8:

Гласи святых Твоих, Господи,/ яко горний чюдный орган,/ Тебе славят прилежно,/ и о нас до́лу сущих взывают, спасения нашего требующе./ Мы же тех подвигу ревнующе,/ их святому житию внимающе:// сего ради и милости Твоя, Христе, сподобимся.

Славословием нашим потщímся,/ достойно похвалити светлый сонм святых Божиих,/ доблестями, верою и молитвою к Богу/ удобрívших зéмли повóлжския,/ Христовым бо освящением посещающе край сей,// да в нем непрестанно славится имя Божие.

Слава, стихира утренняя Евангельская, недели гласа:

И ныне, Богородичен, глас 2: Препоблагословенна еси, Богородице Дево:

Славословие великое. По Трисвятом тропарь воскресен.

Ектении и отпуст.

На 1 часе тропарь воскресен, Слава, тропарь святых, И ныне, Богородичен часов.

По Отче наш: кондак святых. И совершенный отпуст.

### **На Литургии**

Блаженна воскресна гласа, на 6, и от канона святых земли Нижегородстей, песнь 9.ю на 4.

По входе тропарь восресен и Храма Богородице (аще есть), и святых. Кондак воскресен. Слава, кондак святых, и ныне, храма богородицы, или: Предстательство христиан непостыдное: (Взбранной Воеводе)

Прокимен воскресен гласа. Святых прокимен: Честна пред Господом смерть преподобных Его.

Апостол рядовой и святых: к Римляном, зачало 99.

Аллилуия, глас 8: Веселитесь о Господе и радуйтесь, праведнии.

Евангелие рядовое и святых: от Матфеа, зачало 38.

Причастен воскресен и святых: Радуйтесь, праведнии, о Господе, правым подобает похвала.

## Молитва Святым Земли Нижегородстей

О, доброзрѣчныя звѣзды Небеснаго Царствія, цвѣти благоухающіи, от земли Поволжскія прозябшіи, святіи наши сродницы Нижегородстіи: се ныне вам приносим достодолжную похвалу, во славнем соборе днесь торжество ваше совершающе! О, святителю Алексіе, звездѣ всероссийская, Московскія державы божественное утверждение, святительством своим и священномученичеством облистал бо еси всю землю Русскую! Припадаем ко предстательству святых двѣицъ, Александру и Георгию, княженіем своим Христілюбнымъ образъ давшим великаго державнаго служения! Всеславному сонму преподобныхъ и праведныхъ поклонимся прилежно, божественнымъ Серафимомъ украшенному. Иже и множество блаженныхъ и пустыннолюбцевъ, якоже предстоятъ вкупѣ у престола Божія о спасеніи нашемъ. Возславимъ же и подвигъ новомученика, и вся же Богу угодившихъ и от Нижегородстей земли возсиявшихъ призовемъ ныне, да техъ молитвою спасены будутъ души наша: испросимъ у ходатаевъ небесныхъ миръ Христовъ жительству нашему, путь правъ стопамъ и мыслемъ нашимъ, божественную помощь въ дѣлахъ и трудѣхъ! Святіи Божіи, преславніи сродницы наши, горнія славы причастницы, молитесь ко Господу Спасителю нашему, всякаго бесовскаго навета, коварства челоуеча и всякія злобы отражатися, въ Богоугодномъ житіи утвердятся, молитвою теплою украшатися и любовь въ сердцахъ нашихъ къ Богу и ближнимъ стяжати! Испросите у престола Божія державѣ нашей укрепленіе и на враги страны Русскія и веры Христовы всесильное одолѣніе: правителемъ народолюбное попеченіе, дѣтемъ въ страхѣ Божіи возрастаніе, родителемъ Евангельское устроеніе, старости крепость и въ мирѣ и покаяніи въ рѣцѣ Божіи безболезненное и непостыдное преставленіе. Паки же испросите земли изрядное плодородіе, градамъ и странамъ христіанское основаніе и во всемъ пребуди воля Вседержавнаго Творца и Бога нашего, Отца и Сына и Святаго Духа, Ему же слава и поклоненіе во веки вековъ. Аминь.

*Составитель Кира Молева*